




Reglur Kirkjugarðs Vestmannaeyja

um minningarmörk, uppsetningu þeirra, umhirðu
og viðhald grafarsvæða

Leiðbeiningabæklingur

Þeir aðilar sem vilja koma fyrir minningarmörkum í Kirkjugarði Vestmannaeyja ber skylda til að kynna sér og vinna eftir reglum þessum. Reglur þessar eru sambærilegar reglum annarra kirkjugarða á Íslandi. Ekki þarf að sækja sérstaklega um leyfi fyrir uppsetningu minningarmarka.

Staðsetning og stærð minningarmarka

Kistugrafarstæði

Einfalt grafarstæði: Hámarks breidd legsteins er 80 cm að meðtöldum undirsteini.

Tvöfalt grafarstæði: Hámarks breidd legsteins er 180 cm að meðtöldum undirsteini.

Hámarkshæð legsteins frá jarðvegsyfirborði er 170 cm. Allir legsteinar aðrir en púltsteinar skulu standa á platta, skal þykkt plattans vera a. m. k. 10 cm, sem næst ferhyrndur og skal legsteinn vera miðjusetur á plattann. Gæta skal þess að legsteinn sé miðjusetur á grafarstæði og ekki nær næstu grafarstæðum til hvorrar handar en sem nemur 20 cm (lágmark 40 cm milli steina). Ef um tvöfaldan stein er að ræða sem fer á einfalt leiði, en ætlaður er á tvöfalt leiði, skal þess gætt að steinninn fari ekki yfir á grafarstæði þeim ótengt. Ef slíkur steinn er settur upp þarf að gæta þess að hann sé fjarlægður fyrir jarðsetningu í frátekna leiðið. Aftari brún legsteins skal ekki vera nær miðju grafarstykki en 70 cm. (140 cm milli legsteina- bak í bak) Blómarammi: Ef setja á blómaramma skal hann koma í framhaldi af undirsteini legsteins. Breidd hans skal vera sú sama og undirsteinn legsteins og heildar lengd undirsteins og blómaramma skal ekki vera meiri en 120 cm.

Duftgrafir

Einfalt grafarstæði: Hámarksbreidd legsteins er 50 cm að meðtöldum undirstein.


Tvöfalt grafarstæði: Hámarksbreidd legsteins er 100 cm að meðtöldum undirstein.

Fleiri en tvö grafarstæði: Ef setja á sameiginlegan stein á fleiri en tvö samliggjandi grafarstæði skal ráðfæra sig við framkvæmdastjóra Kirkjugarðs Vestmannaeyja um stærð minningarmarks. Þess skal þó gætt að í slíkum tilvikum skal minningarmark aldrei ná nær næstu grafarstæðum til hvorrar handar en er nemur 25 cm. Hámarkshæð minningarmarks er 50 cm.


Blómarammi: Ef setja á blómaramma skal hann koma í framhaldi af undirsteini legsteins. Breidd hans skal vera sú sama og undirsteins og heildar lengd undirsteins og blómaramma á ekki vera meiri en 80 cm. Hafa þarf í huga að ekki allstaðar er rými fyrir blómaramma vegna þess að grafarstæði eru alla jafna einungis 75 x 75 cm.

Skýringarmyndir – staðsetning og stærð


Einfalt
kistugrafarstæði




Tvöfalt
kistugrafarstæði




Einfalt
duftgrafarstæði




Tvöfalt
duftgrafarstæði




Púltsteinn með
blómaramma
B: 50 cm





**Gröf hefst 50 cm frá miðju grafarstykkis
100 cm milli grafa**




**Aftari hluti legsteins á að vera 70 cm
frá miðju grafarstykkis
140 cm milli steina**

Röðun duftkerja í grafarstæði

Hér má sjá hvernig duftker raðast í duftgrafir hjá Kirkjugarði Vestmannaeyja.

Í hvert kistugrafarstæði, þar sem þegar hefur verið jarðsett kista, má koma fyrir allt að sex duftkerjum. Í hvert duftkersstæði má koma fyrir allt að tveimur kerjum.



Uppsetning

Minningarmörk og uppsetning þeirra er alfarið á ábyrgð aðstandenda og á kostnað þeirra.

Ekki er æskilegt að steinar séu settir upp á tímabilinu nóvember til og með mars mánaðar. Aðstæður í Kirkjugarði Vestmannaeyja eru óhentugar á þeim tíma og rask á umhverfi mun líklegur en á öðrum tímum árs. Einnig er æskilegt að látið sé líða a.m.k. eitt ár frá jarðsetningu áður en steinn er settur upp, en það er sá tími sem jarðvegurinn þarf til að setjast almenninglega eftir frágang grafar.

Undirbygging

Við uppsetningu legsteins er skylt að jarðvegsskipta að lágmarki 45 cm undir jarðvegssyfirborð og a.m.k. 10 cm út fyrir undirstöður legsteins á alla kanta. Undirbygging skal vera úr frostfríu efni og þjappa skal vel undir og að minningarmarki. Það sama gildir um uppsetningu blómaramma.

Legsteinn

Öll samskeyti á legsteinum skulu vera límd saman. Þegar legsteinar að viðbættum platta eru hærri en 80 cm skulu allar samsetningar vera teinaðar saman með ryðfríum stálteinum. Teinarnir skulu límdir inn í stein með tveggja þátta steinlími.

Það sama gildir um blómaramma, öll samskeyti rammans skulu vera límd saman og þannig gengið frá honum að hann hvorki skekkist eða liðist í sundur.

Þeir aðstandendur eða sölumenn minningarmarka sem standa fyrir framleiðslu og uppsetningu skulu fullvissa sig um að um réttar upplýsingar sé að ræða þegar merkja á minningarmark.

Upplýsingar um staðsetningar og númer grafa gardur.is en einnig má senda tölvupóst á gisli@landakirkja.is og óska eftir upplýsingum.

Frágangur

Passa skal að neðri brún undirsteins sé í þeirri hæð sem landið er. Ef legsteinn stendur í lægð í landinu skal þannig byggt undir hann að hægt sé að ganga frá landinu án þess að jarðefni fari upp fyrir undirstein legsteins.

Ganga skal snyrtilega frá umhverfinu í lok verks og farga umframefni í þar til merkt flokkunarílát. Þau efni sem ekki er að finna ílát fyrir má ekki skilja eftir í garðinum. Þau þurfa aðstandendur sjálfir að farga á sorpmóttökustöð.

Trékrossar

Setja má trékross á alla grafreiti þar sem ekki er minningarmark. Trékrossar skulu vera úr gegnheilum fúavörðum við. Hámarkshæð trékrossa á kistugrafstæði er 130 cm frá yfirborði jarðvegs, en 60 cm á duftgrafstæði.

Óleyfilegt

Ekki má skilja eftir á leiðum eða götum garðanna: mold, jurtaleifar, eða nokkuð annað, sem óprýði, óprífum eða truflun getur valdið. Öllu slíku skal fargað í viðeigandi flokka samkvæmt flokkunarkerfi garðsins.

Ekki má gróðursetja á grafarsvæðum garðanna þær jurtir, tré eða runna sem með sjálfsáningu, rótarskoti eða á annan hátt offjölgar sér, þannig að hætta sé á að jurtirnar breiðist út til annarra legstæða. Þetta á við um allar trjákenndar plöntur, runna og tré ásamt flest öllum fjölærum jurtum.

Ekki er leyfilegt að steypa upp girðingar og ramma utan um leiði eða fjölskyldugrafreiti.

Ekki er heimilt að reisa grafhýsi.

Bótamál

Þegar minningarmark, umbúnaður grafar og þess háttar, er svo úr sér gengið og/eða komið að falli, svo að af stafar hætta, eða er til óprýði, skal gera umráðamanni grafarstæðisins viðvart. Beri það eigi árangur eða náist eigi til hans, má fjarlægja umgerðina og/eða minningarmarkið. Legstæði, sem verið hefur í óhirðu í 3 ár samfleytt, skal kirkjugarðsvörður láta tyrfa, malbera eða gera aðrar ráðstafanir, sem auðvelda umhirðu þess á kostnað aðstandenda.

Skaðabætur skuli eigi koma til rétthafa grafarstæðis, ef beita verður ákvæðum reglna þessa, www.kirkjugardar.is. Minningarmörkin og uppsetning þeirra er alfarið á ábyrgð aðstandenda og á kostnað þeirra.

Reglur þessar voru samþykktar á fundi
sóknarnefndar Vestmannaeyjaprestakalls þann 24. nóvember 2025